


PLANISAZIUN DA LA FURMAZIUN CUNTINUADA INTERNA

FEGL D'INFURMAZIUN PER DIRECZIUNS DA SCOLA / PERSONAS DA CONTACT

Per incumbensa dal chantun Grischun porscha la scola auta da pedagogia dal Grischun (SAPGR) ina furmaziun cuntinuada interna (FCI).

La purschida

A disposiziun stattan 7 secturs tematics. En singuls secturs vegnan purschids plirs curs che han differents accents. Questa structura pussibilitescha in'approfondaziun en ils temas respectivs. Tut ils curs da FCI duran in di (1 di da curs = 7 lecziuns). Da princip pudais Vus empustar mintga curs singul. Per ina confruntaziun intensiva As recumandain nus però da far plirs curs dal medem sector tematic durant in tschert temp. En l'emprim curs vegnan er mussads aspects generals dal tema, ultra da l'accent che Vus avais tschernì. A partir dal segund curs entaifer il medem sector tematic vegn elavurada ina survista al cumenzament dal curs. La direcziun dal curs basa ils novs cuntegns dal curs sin la savida ch'è gia vegnida elavurada e sin las experientschas praticas da las personas d'instrucziun ed accumpogna Vossa scola en ses process da svilup.



La grafica As dat ina survista da tut la purschida. Las descripciuns detagliadas dals singuls curs chattais Vus sin nossa pagina d'internet (www.phgr.ch > furmaziun cuntinuada > FCI). Là vegnan er numnads las manadras ed ils manaders dals curs.

Furmaziun cuntinuada interna sco part dal svilup da Vossa scola

La finamira da la furmaziun cuntinuada interna è quella permetter in svilup persistent da la scola. Per integrar uschè bain sco pussaivel in di da la FCI en il process da svilup da Vossa scola èsi necessari da tscherner il curs cun premura sco er da preparar e d'elavurar posteriuramain bain il di da curs. Indizis en tge direcziun che Vossa scola sa sviluppa dattan las mesiras da svilup ch'èn fixadas en l'evaluaziun da la scola. Quants curs da la FCI che Vus faschais, decidais Vus en enclegientscha cun l'instituziun ch'è responsabla per Vossa scola. Igl è pussaivel da far plirs curs il medem onn.

Preparaziun ed elavuraziun posteriura da la furmaziun cuntinuada interna

L'effect d'ina furmaziun cuntinuada interna vegn rinforzà, sche Vus As occupais da la tematic dal di da la furmaziun cuntinuada en il team da scola gia avant che frequentar il curs. Gist uschè impurtant èsi da reflectar ils cuntegns ch'èn vegnids intermediads il di da la furmaziun cuntinuada e d'als applitgar en il mintgadi da scola.

En connex cun la preparaziun e cun l'elavuraziun posteriura da la furmaziun cuntinuada interna avais Vus sco manadra u sco manader da la scola resp. sco persuna da contact ina impurtanza speziala. Vus avais la survista dal process da svilup a lunga vista.

Purschida da cussegliaziun

En connex cun la tscherna d'ina purschida da la FCI e cun l'integraziun da tala en il process da svilup da la scola As pudais Vus laschar cussegliar da la SAPGR.

En il discurs da cussegliaziun per telefon vegnan tractads en spezial ils suandants puncts:

- > Tge purschida è adattada il meglier per ils basegns da Vossa scola?
- > Co po il di da la FCI vegnir preparà optimalmain?
- > Co po vegnir sustegnida ina realisaziun persistenta dal cuntegn dal curs?
- > Èsi raschunaivel da planisar la realisaziun da plirs curs d'in sector tematic en il senn d'in process da svilup a lunga vista?

Discurs preliminar cun la direcziun dal curs

In pèr emnas avant il di da la furmaziun cuntinuada ha lieu in discurs preliminar cun la direcziun dal curs. Per il solit vegn quel discurs fatg per telefon. I vegnan tractads l'andament ed ils accents dal curs. Vus preschentaiss a la direcziun dal curs tge direcziun che Vossa scola ha prendì en mira areguard ses svilup sco er tge dumondas che Vus avais en connex cun il tema dal curs e decleraiss tge pass che vegnan fatgs gia avant la FCI e tge pussaivladads per l'elavuraziun posteriura che stattan a disposiziun suenter la FCI. La direcziun dal curs da sia vart skizzescha l'andament dal curs e mussa tge accents che pon vegnir tschentads. En quest discurs preliminar vegnan er scleridas dumondas organisatoricas (l'urari precis dal curs, tge material che sto vegnir mess a disposiziun, tge infrastruttura ch'i fa da basegn ...).

Cundiziuns generalas

Qua vegnan menziunadas mo las cundiziuns generalas las pli impurtantas. Ulteriuras infurmaziuns sco il schema da l'andament ed ina glista da controlla chattais Vus sin nossa pagina d'internet. Tut las infurmaziuns As stattan er a disposiziun sin la pagina d'internet da l'uffizi per la scola populara ed il sport USS (www.av.s.gr.ch).

Cussegliaziun ed empustaziun d'in curs

La part la pli gronda dals curs da la FCI vegn purschida da la SAPGR. As annunziai per plaschair ad ura tar nus, sche Vus vulais empustar in curs u sche Vus As vulais laschar cussegliar (almain 3 mais avant ch'il curs ha lieu).

Contact:

Flurina Henkel, collavuratura scientifica per la furmaziun cuntinuada, SAPGR
tel. 081 354 03 90 (gli e me); flurina.henkel@phgr.ch

In'excepziun furman ils curs davart il tema "Svilup da qualitat centrà sin l'instrucziun" che vegnan purschids dal biro per il svilup da scola e per l'evaluaziun. Per quests curs As drizzai per plaschair directamain a schulentwicklung.ch (tel. 052 203 07 15; e-mail: braegger@schulentwicklung.ch).

Permissiun da l'uffizi per la scola populara ed il sport

Per realisar ina FCI basegnais Vus ina permissiun dal USS. Uschespert che Vus avais fixà cun nus il tema dal curs sco er il termin da realisaziun, inoltrais Vus ina dumonda tar l'inspecturat districtual ch'è competent per Vossa scola (formular sut www.avs.gr.ch). L'inspecturat dat ina permissiun, sche las suandantas cundiziuns èn ademplidas:

- > I sa tracta d'ina furmaziun cuntinuada interna or da la purschida ch'è descritta qua.
- > I sa participeschan tut las persunas d'instrucziun d'in team da scola u d'in team d'ina chasa da scola (inclusiv las persunas d'instrucziun spezialisadas).
- > La furmaziun cuntinuada interna ha lieu maximalmain per la mesadad durant il temp d'instrucziun.
- > Il dumber da las participantas e dals participants importa per ordinari almain 12 persunas. (Sche Vus essas ina scola pitschna, s'imponi che Vus organisais in di d'ina FCI ensemen cun autras scolas.)

Rendaquint

Las furmaziuns cuntinuadas internas vegnan finanziadas dal chantun e na custan pia nagut per Vossa scola. La permissiun da l'inspecturat è a medem temp la garanzia ch'ils custs vegnan surpigliads cumplainamain dal chantun. Il quint vegn scuntrà directamain tranter la SAPGR ed il USS.

Evaluaziun

Per garantir la qualitat e per sviluppar vinavant la furmaziun cuntinuada interna supplitgescha la SAPGR la direcziun da la scola / la persuna da contact sco er la direcziun dal curs da dar in resun dal di da curs. La SAPGR trasmetta quest feedback da la scola er a la direcziun dal curs e viceversa. Il USS che surpiglia ils custs vegn er infurmà.

Circa in'emna avant il cumenzament dal curs As tramettain nus il formular per il feedback sco er ina glista da preschientscha. Prendai per plaschair suenter il di da curs in mument temp per responder las dumondas e resguardai ils resuns da las persunas d'instrucziun en Voss feedback. Ans tramettai alura il formular ensemen cun la glista da preschientscha emplenida. Nus spedin ils documents alura vinavant al USS.